

Arise, Shine (tho la eng rawh)

Thuchah tawi Amelia Gavida, Baptist Women union of South West Pacific (BWUSWP) President hnen atangin (messages from Amelia Gavida, President BWUSWP, 2014-2019)



Lal Isua tana kan lo enchhuah hian keimahni-ah inunaunate, inhmangaihate tihpun leh tihlanin a lo awm thin a ni.

Nitinin ni a lo chhuak a khawvel hmun hrang hrang leh tuiquikam thliarkar hrang hrangahte nithar duhawm tak chu a va ni em! Amaherawhchu, khawvel hi khawnge lainatna, hmangaihna, rorelna dik chu tiin a au mek a nih hi.

Kan khawvel hi chu inhmangaih lohna leh inlaint lohna ram chu a va ni em!. Mi maktaduai tam takte nun tihchhiatin a awm mek a, heng zawng zawng hi inhmangaih lohna leh inlaint lohnahte inthliarhranna vangte a ni. Chanchinthar hrang hrangahte tualthahna te, inpawngsualna te, intualvuakna te hmun hrang hrangah a thlen thu te hriat tur a lo awm ta. Heng harsatna leh tawrhna hrang hrang taksa leh rilru thlenga inngahaisakna thleng thin hi diklo taka thil an tihthin vang a ni. Heng diklo taka inngahaisakna leh pawngsualna te leh thildang hrang hrangte avang hian mi tam takin an nunna an chan phahin chung harsatna an chung thlengte chu rorelna dik hmu turin ngaihaktu awm loin hriatzui a ni ta thin lo a ni. Sawkar leh thuneitute pawhin heng harsatna hrang hrang mi chung thleng thin hi dan hmanga chinfel an tum ve nasa hle thin. Hei hi khawvelin a thlir dan chu a ni dan hmanga rorelna dik lantir hi.

Mosia chuan ti hian a sawi a, *"Lugpuia chu, a thiltih a fel famkim, A awm dan zawng zawng chu dan a ni a. Pathian rinawm, khawlohna nei lo, fel leh tha a ni"* (Deuteronomy 32:4). Kan rina leh kan biaka hi Pathian dik a ni. A ni chuan thu thlukna dik tak a siam thin. Amah chauh hi a ni dikna, hmangaihna leh inpumkhatna mimal, chungkua, khawtlang leh rama siam theitu chu. Mihringte hi chu kan lo danglam thin mahse kan Pathian hi chu a danglam ve ngai lo a ni.

Lal Isua zuitu leh neitu Kristiante hi kan nihna angin heng tawrhna hrang hrang kan unaute chung thleng hi kan hriatpuin hma kan la ve tur a ni. Sawrkar leh pawl hrang hrangte chu awm mahse heng inngahaisakna leh tawrhna hrang hrang hmeichhiate leh naupangte chung thleng thin tinep tura hma latur hian keini Kristian Lal Isua zuitu leh neitute kan nihna angin eng chhuak tura tan lak angai a ni sam ziak tuin min hrilh angin, *"Retheite leh pa nei lote ro chu rel ula. Hreawm tuarte leh pachhiate chungah chuan dik takin ti rawh u. Retheite leh pachhiate chu chhan ula, mi suaksual kut ata chhan him rawh u"* (sam 82:3,4). Hei hi kan chakna leh theihna chuan kan ti thei lo mai thei mahse Pathian chakna leh tanpuinain kan ti thei a ni.

Bible a Zelophehada fanu pangate chanchin kha min hriatchhuah tira (Numbers 27:1-11). An pa thih khan harsatna leh tawrhna tam tak an chungah a thleng anih kha, chung chu Jordan lui an kan hma vel kha a ni. An pa khan fapa a neih loh avangin kanan ramah khan chan nei ve lo tur anga ngaih an ni. Amaherawhchu, huaisen takin an lo dingchhuak a Pathian leh Mosia hmaah khan an thlahte zinga miten chan an neih ve theih nan.

Hetah hian zir tur pawimawh tak mai thil pathum kan nei a, chungte chu:

1. Rinna nen tangrualin an lo pen chhuak a ni – Pathian thutiam kha tute tan pawh a ni vek a ni tih an hria a chumi tihlanna turin Pathian hmaah huaisen takin an lo dingchhuak a ni
2. An harsatna an lo dinchhuahpui – An pa ber a thih tawh avangin kanan ramah khan chan nei ve lo tur anga ngaih an ni a nau mipa an neih loh avangin, mahse Pathian leh Mosia hmaah lo kalin an harsatanate an lo thlen a ni.
3. Huaisen takin an lo dingchhuak – Huaisen takin Pathian dik taka hmaah an lo dingchhuak a ni.

Pathian dik taka leh hmangaihna a khat hmaah lo dingchhuakin an duhnate an lo thlen a ni. Pathian chu kan beisei tlat chuan kan lamah atang dawn a ni sam ziak tuin a sawi ang hian, *“Lalpa chuan rorelna fel a ngaina si a. A mi thianglimte chu a kalsan ngai lo. Kumkhua atan vawn thatin an awm a, mi suaksual thlahte erawh chu tihboralin an awm ang”* (sam 37:28).

Heng kan vela tawrhna leh harsatna thleng thinte hrereng chungin hmangaihna leh inunaunate tinghet zual turin tho ila i eng chhuak ang u. Heng harsatna tuartute hi hlamchhiah mai loin an harstanate leh tawrhate tawmpuiin an tan i eng chhuak ve ang u.

Kawng hrang hrangin hmun hrang hrangah kan velah en chhuah theuh i tum ang u. Pathian ropuiber se, Lalpan malsawm theuh che u rawh se.

Thuchah tawi Ksenija Magda, Khawvel pumpui Baptist hmeichhe inzawmkhawm pawl president hnen atangin (messages from Ksenija Magda, Baptist World Alliance Women's Department President, 2015-2020)



Mahni chauh inthlirbingna leh indahranna hi Kristiante tan chuan thil hlauawm tak a ni. Bible School a ka kallai chuan naupangte ka la ni a, ka ngaihdan chuan kohhrana mite chu Kristian mahni chauh inngaihtuah leh puitling lo riaua hriatna neiin kohhrana a kul ataia inhman pawh chu tullem lo a ngaihna ka nei ve a. Mahse, Kristiante chu inmamawhtawn theuh kan ni tih chianna chu ka nei tho a.

Hmeichhe tam tak heng ngaihdan dik lo tak tak avanga an nihturang ni ta lo tam tak an awm a heng ngaihdan dik lo te avang hian, "i tha tawk lo, i phu loin i tling tawk lo, i a takzet a ni, zirtir theih pawh i ni lo" tih ngaihdan hrang hrangte avang hian. Tam takin tihduhdah, ngaihsak loh leh nghaisakna rilru leh thlarau thlengin an tuar mek bawka ni. Hemi Saltanna leh khawharna, harsatna hrang hrangte avang hian Pathianin an mahni kaltlang a inpuanchhuah a tumna pawh chu tihlanin a awm thei thin ta lo a ni. Chumirual chuan, thenkhat tuarchhel leh chak tak mai an awm bawka. Thil reng reng hnehsawh tak maia ti thin te. Mahse, chung mite pawh chu khawharna hmun reh takah chuan an awm ve tho bawka ni. A chang chuan, harsatnate an tawk vein mal riaua inhriain an chau ve thin a ni.


Amaherahchu, mihringte hi Pathianin a min siamdan chu chengho tur leh inpuih tawn tura siam kan ni, chu chuan chakna min lo pe dawn a ni. Hemi inpuih tawna hian puitlinna hmunah min hruaithleng thei dawn a ni. A dik hle mai, harsatna hrang hrang kan tawkin tih natin kan awm thin a, a chang chuan tumah hi ka ringthei tawh lote kan ti bawka thin. Amaherawhchu, Lal Isua atang chuan chung zawng zawng ngaihdan chu paihthlakin a lo awm thin. Hei hi a ni rinna mak tak chu, Lal Isuaah chuan kan tling vek a ni kan lo tih theihna chu. A chhan chu, Pathianin min duhin a ropuinan min siam a ni tiin. Lal Isua chu keimahah a awm a chu chu tuman an ti chhethei lo a ni tiin. Pathian hminga kan lo penchhuah hian Pathian ropuina a lo langchhuak thin a ni keimahni hmangin.

Pathianin a hnathawpui turin min thlanga keimahniah amah a awm reng thin a ni a mahah kan awm reng chuan. Lal Isua keimahni hmangin a eng chhuak thei a ni Isaia ziak a kan hmuh ang khan "*Tho la, eng rawh. I eng chu i chungah a lo chhuah tak hi*" (Isaia 60:1). Keimahni a Lal Isua awm khan eng a chhuah theih a ni chung taksa peng hrang hrangte chu an inmamawh tawn theuh bawka ni.

Lal Isuaah chuan tihtheih loh a awm lo a. Taksa a peng hrang hrangten taksa pum tan hna an thawk theuh ang hian Lal Isua kan tana nun petu-ah chuan pumkhat vek kan lo ni ta a ni. Engmah lo leh pawimawh lo ni angin inngai mah i la mi tute pawh hi kan pawimawh vek a ni kawng hrang hrangin. Chuvang chuan tho chhuak la Lal Isua hmangin eng chhuak rawh le.

Khawthlang chhimlam tuifinriat kam atangin chanchin pakhat Norma Semi, Papua New Guinea hnen atangin (A story from the south west pacific):

Pathian hnathawh ropui inpumkhatna-ah (God delights in unity)



Sam ziaktuin a sawi ang hian inunauna hi kan vawngnung reng tur a ni Pathian malsawmna leh a khawngaihna kan chantheih zel nan sam ziaktuin a sawi ang hian, *“Ngai teh, unaute inngeih dial diala awm khawm hi a va thain, a va nuam em! Lua hriak hlu tak, khabe hmula luang thla, Arona khabe hmul ngeia luang thlaa, a kawrfual hmawra luang thla ang kha a ni. Hermon daifim, Zion tlangtea tla thin ang hi a ni. Chutah chuan Lalpan malsawmna thu a pe a, kumkhuaa nunna tur chu”*(sam 133)

Kum thum kal ta khan ka pasal Reuben Semia hi lung tha lo a ni tih hmuh chhuah a ni a. Hospital-ah chuan kan lutin kan chhuak deuh reng mai a. Chunglai chuan a natna chuan a kiansan loin a zual zel maia. Amaherawhchu, chu a natna atang chuan Pathianin mak tak main a hruaichhuak a. Ka fate, kan chhungkhat lainate leh Port Moresby kan khua a miten nasa taka an tawngtaina chu Pathianin a chang a ni. Chunglai vel chuan mak tak mai chu thlamuanna thu leh tanpuina pawisate leh bible chang hrang hrang thlamuanna thute kan dawng nasa hle a ni. Chung zawng zawng chu kan chhungkaw tan chuan malsawmna nasa tak a ni.

April ni 2, 2017 khan ka pasal natna khuma a awm lai chuan India ram atangin doctor thiam tak mai inzai lama thiamna bik nei (surgeons) pali an lo thleng a. An zinga an hruaitu ber Dr Anil tia an koh mai chuan kei leh ka fapa upa ber chu min ko a ti hian a sawi ta mai a, ‘in pa hi ka hmuh hnuhnung ber aiin a natna hian zuallam a pan zawk niin ka hria, thlaruk pawh a dam thlen ka ring lo tiin, zai nghal angaih tur thu min hrilh a. Amaherawhchu, mak tak mai chu Pathian thlamuanna leh awmpuina kan chang nasa hle mai a. Kan pa hnenah chuan kalin Pathianin a awmpui zel che ania kan ti a, ani pawh chuan min lo thlamuan ve hlawm a. Tichuan, kut insuih tlangin thinlung leh tihtak zetin Pathian hmaah kan tawngtai ho ta a Pathian fak chung zelin

A tukah chuan kan pa chu an zai ta a, chumi rual chuan keini ho chu a damchhuah lehtheih nan kan lo tawngtai bawk a. Pathianin kan tawngtaina chhangin kan pa chu hlawhtling taka zai a ni a. A thawkna dawta boruak luhnate chu vawihnih lai mai zai nawn a ni nghe nghe a. Heng zawng zawngah hian Pathian chu fakin awm rawh se doctorate hmangin hlawhtling takin kan pa chu min enkawl sak a ni. Kan pa chu a tha chak hle a karthum chauh damdawiin-ah chuan kan awm hman nghe nghe a. Tichuan, April ni 26-ah dawmdawiin atang chuan kan chhuak thei a kan lawm hle a ni. A lung that lohna avanga a tawrhna zawng zawngte chu a lo kiang ta a damdawite chu tlem tlemin la ei chhunzawm zel tho mahse. Heng zawng zawng avanga kan chungah Pathian thiltih hi a mak a ni.

Hemi ka han tarlan duhna chhan pakhat chu harsatna kan chungkua, mimal, kohran leh khawtlanga lo thleng thin hi lungrual tak leh tihtak zeta Pathian hnenah la kiang tura kan dil tlan chuan kan duhnate chu chhanin a lo awm thei dawn a ni tih hi. He Pathian thiltih mak hi kan chungkua pawhin kan lo chang ve tawh a ni. Ka pasal dam lohna atang hian. Pathaian tan chuan thil harsa leh lian lutuk hi a awm ve lo a ni. Lungrual tak leh tihtak zeta Pathian hma a kan kunzaho chuan Pathianin kan harsatnate hi min lakkian sak thei a ni.

Chawimawina leh ropuina zawng zawng kan Pathian hnenah awm rawh se, Amen

Norma Seme, Papua New Guinea.

Bible Study:

Bible atanga dikna, rorelna dik kan hmuh dan tlangpui (A study in what the bible says about Justice)

Pathian hian dikna hi chawisang theuh turin min duh a ni (God wants us to promote Justice):

Bible-ah hian dikna tih hi vawi 100 lai mai tarlan a ni a. Kan pathian thu chuan a mite chu dikna chawisang turin a duh a, ti hian a sawi nge nge a, *"Lalpa chuan rorelna fel a ngaina si a. A mi thianghlimte chu a kalsan ngai lo. Kumkhua atan vawn thatin an awm a. Mi suaksual thlahte erawh chu tihboralin an awm ang"* (sam 37:28) . *"Lalpa chuan heti hian a ti, 'Dik tak leh fel takin rorel ula, tiduhdahtu kut ata rawk tuara chu chhan chhuak ula. Tin, mikhual te, pa nei lo te leh hmeithai chungah te dik lohna emaw, pawngnekna emaw ching suh u, he hmunah hian mi thiam thisen pawh chhuah hek suh u "* (Jeremia 22:3). Rorelna dik chu dik taka tih hi a ni si a sawi mai mai lo a a taka lantir hi.

Dikna hi Pathian nihna pakhat a ni (Justice is the character of God):

Bible a kan hmuh ang hian dikna hi Pathian thil ngaihpawimawh tak pakhat a ni, *"Bote chu ka zawng ang a, hnawh bote chu ka hruai kir ang a, ruh tliakte chu ka tuam ang a, damlote chu ka tichak ang. A thau leh a chakte chu ka tibo vang a, dik takin ka chawm ang"* (ezekiela 34:16). Sam ziaktu pawhin ti hian a sawi a, *" Ani chuan khawvel hi fel takin ro a relsak ang a, thlei bik nei lovin mi tin ro chu a rel ang. Chutichuan, Lalpa chu hnehchhiahna tuarte tan chuan kulhbing sang a lo ni ang a, mangan hunachte chuan kulhbing sang a lo ni ang. Lalpa chu a inhriattir a, ro a rel ta a, mi suaksual chu ama kutchhuak ngeiah chuan a awk thin a"* (sam 9:8,9,16)

Dikna tih hian Pathian nihna pakhat a hrihfiah a ni bible a kan hmuh ang hian, *"Kei Lalpa hian rorelna fel ka ngaina si thin a, khaw lo taka ti hi ka haw thin a ni. Tichuan, anmahni ka rulhna chu tihtak meuhvin an hnenah ka pe ang a, an hnenah kumkhaw thu ka thlung bawh ang"* (Isaia 61:8), *"An chungah zaidawh rih mah sela, a mi thlan, a chhun a zana amah kotute phuba chu Pathianin a laksak lo vang em ni? . Ka hrih a che u, an phuba a laksak thuai ang. Nimahsela, mihring fapa hi a lo kal hun chuan, khawvelah hian rinna a rawn hmu ang em ni?" a ti a* (Luka 18:7-8), *"Tin, Pathian bawi Mosia hla leh Beramno hla, 'Aw Lal Pathian, Engkimtithi, I thiltithe chu a ropuiin a mak a. Nang, hnam tin Lalber, I kawngte chu a felin a dik a ni"* (thupuan 15:3)

Pathian thiltum lian tak pakhat chu diknain tih hi a ni (God's goal is more Justice):

Pathianin a thiltum hrang hrangte lo thlir ho ta i la bible a kan hmuh ang hian – “ Aw ka mite u, ka thu hi ngaithla ula, aw ka hnamte te ka thua hian beng lo chhi rawh u. Keimah atangin dan thu a lo chhuak dawn si a, mi tin enna turin ka rorelna chu ka chawlhtir ang. Ka felna chu a hnai e, ka chhandamna chu a chhuak tawh a, ka bante hian mi tin ro a relsak anga, thliarkarte chuan mi nghak ang a, ka ban hi an ring ang”(Isaia 51:4-5)

Nuna chhan hi kan hna a ni tih biblein min hrihl bawk a ni – “*thi tura hruaite chu chhan chhuak la, thah mai turte chu chhan chhuak thuai rawh*” (Thufingte 24:11), “*Tawngtheilote tan i ka ang la, hnuchhawnho zawng zawng chungchang thua te*” (Thufingte 31:8)

Dik taka titute chu Pathianin a chawisang thin a ni tih kan Pathian thuin min hrihl bawk a ni – “Mi fel chuan a felna a hawisana, thil sual a lo tih chuan chumi avang chuan a thi mai ang. Tin, mi sualin a sualna a hawisana, a thiang leh a dik chu a tih chuan, chumi zarah chuan a nung ang (Ezekiela 33:18-19)

Engtin nge Pathian thiltum chu kan tihpuitlin ve theih ang (My response to God's goal) :

Dikna hi kan chawisangin kan vawngnung reng tur a ni. Pathian thuin a sawi dan chuan mi hnuaihngte chungah dik lo taka rorelna a thleng thin a ni tiin. A chhan chu, dik lo taka an chungah thiltih anih thin vang a ni. Thenkhat chuan ti hian an sawi thin mihring hi hmun thumah kan then thei a tiin – thiltha lo lo thleng pawiti lote, thiltha duh leh chumi atana thawk tlat thinte, tin bible a mite wawiin a thil lo thleng tur lo hrihlawk tute.

Khawthlang chhimlam tuifinriat kam atangin chanchin pakhat, hmeithai pakhat Vani Tidre hnen atangin (A story from the south west pacific)



Pathian zahngaihna a hun takah (Justice in the time of need)

Thlina tak cyclone Winston an tih lo thleng kha ka hriat chinah chuan a la rapthlakber mai awm e. February 20,2016 kha a nita ka tunu piancham hmasaber a ni a, tlai dar 5 velah chuan chu thli chu a lo thawk tana kan awmna khuah chuan. A hma pawhin thli navak lo chu kan lo tuar tawh thin a, mahse hemi thli Cyclone Winston an tih mai hi chu kan lo beisei reng reng lo a. Kan ina ka tunu piancham lawmna a an thil eitur siam tura kan lut chiah mai chu bungbel leh thil hrang hrang lo thlawk darhnuai maite chu ka hmu ta mai a.

Kan chhungkhat lainate leh thenrualthate chu lo kalin kan inbangawng thenkhatte chu coconut hnahte chuan lo tihphui an lo tum nasa mai a, mahse chu pawh chu eng a ang chuang hlei lo a. Kan inchung lah chu thlina tak mai chuan thim thamah a lenbo daih mai a. Thlina lutuk ri hum hum mai chuan min ti hlauin min ti thlabar em em hlawm mai a. Hlauhna chuan kan tirilah chuan min manin naupanghote nen chuan himna lam chu pan kan ngai a ni tih ka hria a. Tichuan, biakin chu a himber turah ngaiin chu hmun chu thimthamah chuan kan pan ta a. Biakin chu mipuiin an lo khat hmur maia, kan khua a mi zawng zawngte kan kimvek emaw tih mai turin. Thlina tak a lo kal apiang chuan kan rakchelchulin hlau mangang authawm leh tawngtai ri nen kan richelchul mai a. Biakina lo kal ngaivak lo thenkhatte pawh chu Pathian zahngaihna dilin an tawngtai hlawm a. Thli leh ruah chu zankhuain a thawka muthilh chu sawiloh a vawtin rilte pawh chu a tam em em thei mai a. Amaherawhchu, maktak main Pathian khawngaihna leh zahngaihna kan chungah a lo thleng a. Pathian khawngaihna leh venhimna avangin zingah chuan harsatna nei loin kan thochhuak thei hlawm a ni.

Kan awmna thingtlang khua Naboutolu chu khawmual engmah awm lohna hmun ang main chu thli natak mai chuan a siam ta mai a. Mahse, Pathian khawngaihna avangin venhimin kan awm a ni. Pathian hnenah chuan kan chhungkua min venhim avangin thingthiin lawmthu sawina neiin ka tawngtai a. Maktak mai chu, mithi tumah han sawitur kan awm lo chu a ni, tleirawl mipa pahnihte an inhliam deuh tih mai loh chu. Ni hnih thum hnuah chuan chaw eitur awm ang ang leh thildang te kan la khawm a. Maktak mai chu, tuithianghlim lo deuh eirawngbawlna tur kan chawi kan hman te avanga na leh insawisel tumah kan awm lo chu a ni. Lalpa chu a va tha tak em!!

Karhnih thum hnuah chuan tanpuitu tur hmun hrang hrang atangin an lo kal khawm a – sawrkhar lam atangten, kohran hrang hrangte leh pawl hrang hrang atang tein. In sakna hmanrua leh ei turte leh thawmhnaw te thil mamawh dangte an lo keng khawm hlawm bawk a. Pathian malsawmna leh awmpuina chang zelin chhungkaw tinte chu innuam takah kan awm thei ta a. Tun thlengin khang thilthleng rapthlak takte kha kan mitthlaah a la cham reng a ni.

Nikum 2017 kumtir khan kan khua Naboutolu Fiji thliarkar a mi chengte chuan Pathian hnenah lawmthu sawina a huhoin kan nei nghe nghe a ni. Kha thilthleng rapthlak tak kaltlang khan mi tamtak nunah Pathianin thu sawiin mi tamtak Pathian hnenah an inhlanthar nghe nghe a ni.

Pathian chu a rintlakin a thatak zet zet a ni khang thlipui leh ruahpui laka min ven avangin. Lalpa chu fakin awm rawh se Amen.



Vani Tidre, A widow from Fiji

Hmeichhiate Tawngtaina Olwyn Dickson, New Zealand hnen atangin (Prayer of the Women, written by Olwyn Dickson, New Zealand)

I Jiova noqu ka lou, Allah maha basar, Wairua Tapu, Papa God

Zawlneite thu chuan hengte hi min hriatnawn tir leh a, dik taka nung turte leh hmangaihna leh inggaihtlawmna nena Pathian nena nitin lengdun turin. Bible a hmeichhiate inpekna te hrechhuakthar lehin kan tihdik lohna leh sualnahte min ngaidam ang che.

Ruthi chanchinin riltamte hnenah eitur pek tur thute leh chenna neilote tanpui tur kan nihzia te min hriatnawn tir leh a. Sil leh fen tur nei lote thuammawi tur kan nihzia te nen. Tanpui ngaite kawng hrang hranga kan lo tanpui hian kan eng chu thimzingah tih enin a lo awm thin a ni, zan chu chhunah a lo chang dawn a ni. Ruthi anga i aw hria a huaisen taka kal chhuaka midangte tana malsawmna thlentu ni ve turin minpuih la.

Zelophehada fanute inlungual taka penchhuak a rorelna dik an auchhuahpui a an lo neita angin mangang leh harsate hnenah tanpuina pe thei ve turin minpuih ang che. Tanpui ngaite an awmin tanpui thei turin minpuih la, midangte tana kan tawngtai theih nan leh kawng hrang hranga hmeichhiate tanpuingai an awmin tanpui ve thei turin minpuih ang che. Heng mite ber chungang intihhi ka chungang ti inni i ti si a.

Bible a hmeichhiate inpekna te min hriatnawntir la i fanute kan nih angin kan hmeichhe puite leh tanpui ngaite tanpui ve thei turin minsiam ang che min kohchhan angin.

Lalpa Rakili leh Leaii te kan hre reng e, an harsatna leh natnate nen. Heng natna leh harsatna hmunah kan chhandamtu a lo piang a ni si a.

Lalpa he kan khawvelah pawh hian hmeichhe tam takin harsatna hrang hrang an tuarin beiseina leh hmahun pawh a nei lo anih hi. I aw leh an mahni a i thutiam chu hriatnawntirin awm se la, heng an manganna te hi hlimnaah lo chang se. Hlauhna ata la chhuakin i fate an nihzia hriattirawn leh la, chutiang zelin midangte tana malsawmna thlentu niturin min siam ang che.

Hani angin min siamtharin chakna min pein min awmpui zel ang che. Kan hmelma lakah min veng ang che. Nangmah ang reng reng Pathian dang an awm si lo a, nangmahah chuan kan him reng a ni.

Hmachhawp hrang hrangte (Day of prayer projects)

1. Hmachhawp hming (Name of the project): Lydia Puanthuina

Pawl hming (organization): Fiji Hmeichhe Pawl

Hmalatu ber (Person Responsible): Nunia Tupou

He Lydia Puanthuina hi kum 1993 a he mi hmeichhiate tawngtaina ni a thawhlawm tlingkhawm hmanga kum 1994 a din a ni a. Pawisa lampang harsatna avangin kum 2012 khan tihtawp tep a ni nghe nghe a. Hemi hian hmeichhiate zel atanga lo chhuakte tan puanthui zirtirnative a nei a. Hmeichhe tam tak chu zel atanga an lo chhuah khan an chungten an duhtawh loh avangin chenna mumal nei loin an awm a, mahse he pawl hian chungte chu tanpuiin puanthuite a lo zirtir thin a. Kohhran atanga tanpuina kan hmuh tlemte chauh chu kan inngahna neih chhun chu a ni deuh ber mai a. Tin, chumai bakah hmeichhe thenkhatin he hmalakna hi an chhawr tangkai em em a puanthuite zirin an mahni intunnunante an lo hman theih phah bawk a ni. Tunah tak hian kan hmalakna hi thlirharleh mek a ni a, a in (building) te pawh siamtharin thil hrang hrang tul leh mamawhte pawh leitharleh mek a ni.

2. Hmachhawp hming (Name of the project): Nausente tanna badam herdipna

Pawl hming (Organization): Papua New Guinea a Baptist hmeichhe pawl (Baptist women's union of Papua New Guinea)

Hmalatu ber (person responsible): Norma Semi

Papua New Guinea ah hian chawtha protein tamna lampang hi duhtusam kan nei lo em em a, kan ranvulh atangte pawh hian kan mamawh ang tawk min pethei lo a ni. Amaherawhchu, badam hi protein tha deuh niin chu chu nausente pawhin a an eitheih chawtha deuh mai a ni a. Hmundanga thenkhatin badam an eitheih lohna harsatna kha kan nei ve lem lo bawk a. Kum tamtak kalta-ah khan hemi Baptist hmeichhe inzawmkhawm pawl Papua New Guinea (Baptist Women's Union of Papua New Guinea) a mite chuan hma lain he badam semna hna hi helai chhevel hmun hrang hrangah an lo nei tawh thin a. Badam hi hmun hrang hranga han pek dawn pawhin thil ken harsa lo tak anih mai bakah hmeichhiate pawhin an huanah te awlsam takin an ching thei mai bawk nen, chu chu naupangte tana chawtha em em mai a lo ni bawk nen. Kan duh leh tum ber leh hmalakna chu badam tharchhuah a theih anga tam hi a ni, chumi a lo nih chuan man sang zawkin kan hralh thei dawn bawk a ni.

3. Hmachhawp hming (Name of the project): Hruaitute hmasawna lampang

Ram hming (Country): Papua Indonesia

Pawl hming (Organization): Papua Indonesia a Baptist kohhrante (Baptist churches of papua Indonesia)

Papua a Baptist kohhran hmeichhe pawh hi pawlthum lian tak tak inzawmkhawmin a a siam a ni a. Heng pawl Baptist kohhran hmeichhe pawl (Women's Department of the fellowship of Baptist Churches of Papua) a mi hi Welena Wenda kaihhraina hnuaiyah a kal mek a ni. Tin, Grace Baptist kohhran hmeichhe pawl Indonesia a mi hi Lydia Kareteii hruaina hnuaiyah a kal mek baw a. A dang leh chu Amelia Yigibalom hruaina hnuaiyah a kal ve thung a . Heng hmeichhe pawl pathum inzawmkhawmte hian inunauna tinghet leh zual turin hma an la mek a ni. Thingtlang lamah chuan zirna tha a awm loin chumi ti hlawhtling a khawpui te han phak ve tur chuan hmanraw tha leh hmuntha a awm lo hle a ni. Khawpui te aiin thingtlang lamah chuan thil harsatna hi a nasa zawk baw a ni. Hemi anih avang hian hruaitu tha in chherchhuah lamah hian hmasawn kan mamawh hle a ni. Khawpui te han phak tur chuan. Chumi ti hlawhtling tur chuan heng hmeichhe pawl pathumte hian hma lain inunauna tinghet turin hma an la mek baw a ni.

4. Hmachhawp Hming (Name of the project): Thil thar hmasawna lampang hmeichhiate tan

Ram hming (Country): Costa Rica

Hmalatu pawl hming (Organization responsible) : Desamparados a Baptist ding hmasa ber (First Baptist Church of Desamparados)

Kan chhehvelah thil duhawm loh tak tak nitina kan hriatthinte heng chhungkhaw kehchhia, nu leh pa inthente, fahrahte, innghaisakna te, hmeichhia tihduhdah tuartute leh dawmdawi khawihte, heng thil hrang hrang duhawm loh tak tak te hian min tithlabarin min ti mangang takzet zet a ni. Hengte tanpuina tur hian he pawl hian a tum ber chu hmalak kawng hrang hrangin a ni. A duh ber chu zirtirna tha dawntir te, thlarau lam leh tisa lama damna pek te, hmahun eng tak nei tura buatsaih te leh an suangtuahna an hmalam hun atan a tihpuitlinsak te a ni. Heng thil hrang hrang-ah te hian hmalak mek niin an mahni a dingchhuak ve thei tura puih a ni baw a ni. Kan khawtlanga hmeichhiate hmalakna hrang hrangte avang hian hmeichhe tam tak la naupang tak tak ten hmasawna nasa tak an neih bakah Lal Isua chanchinte lo hriain Lal leh chhamdamtu-ah pawmin tangkai takin an nunte an lo hman theih phah ve a ni.

Hemi ni a kan tawngtaipui tur leh tawngtaina a kan hriatturte (2018 Day of prayer Guide):

1. Khawthlang chhimlam tuifinriat kama cheng ram hrang hranga mite tan (South west pacific):

- Kan kohhrana ringtu hmeichhiaten kan khawthlangah Lal Isua hmangaihna an lantir lehzual theih nan i tawngtaipui ang u
- Kan rama kawng hrang hranga hmeichhia leh naupang tihduhdahna leh nghaisakna tuartu zawng zawngte tan Pathian awmpuina leh thlamuana i dilsak ang u
- Kan rama heng harsatna hrang hrang thli leh ruahte, lirnghingte avanga in leh lo leh nunna chantu chhungkuate tana tanpuina kawng hrang hranga hmalatu hmeichhiate tan chakna leh Pathian awmpuina i dilsak ang u.
- Australia leh New Zealand rama cheng hmeichhiaten he mi ni kan hmanna atanga inpekna thar nena hma an laka midangte tana tanpuitu an lo nih lehzual theih nan.
- Kan ram chung hmun hrang hranga hmeichhiate kum 2019 a Fiji a kan inhmukhawmna tur a lo hlawhtlin theih nan leh member tamzawk kan neih theih nan.

2. America hmarlam rama chengte tan (North America):

- North America rama Baptist kohhran hmeichhe hruaitute tan chakna leh finna an lo neih theih zel nan i dilpui ang u
- Tihduhdah, nghaisakna leh endawngna tuartute tan i tawngtai ang u. Tin, heng kawnga hma latu zawng zawngten Pathianah chakna thar an lo neih theih zel nan.
- Khawvela mitinten hmangaihna, inngaihtlawmna leh thuhnuairawlh taka rawng an bawl zel theih nan.
- Hnuaichhiahte leh chanhaite tana kan dinchhuah ngam theuh theih nan chakna thar Pathian hnenah i dil ang u
- Pathian zahngaihna leh awmpuina heng harsatna hrang hrang tuiliante, thlite, tlangkangte leh lirnghingte laka kan him theih nan i tawngtai ang u.
- Kan ram hruaitute leh ram tana thawktu sawrkar hnathawk hrang hrangten Pathian hretak chung leh finna nena hna an thawh theih zel nan i dilpui ang u.

3. America chhimlam rama chengte tan (Latin America):

- He rama Baptist kohhran hruaitute tan i tawngtai ang u, finna leh chakna thar te an lo neih theih nan. Tin, Texas a hmeichhe inzawmkhawm pawl leh New York leh New Jersey a hmeichhe pawl inzawmkhawmte nena tun aia thawhona tha kan neih theih nan
- He rama hmeichhe pawl hrang hrang hruaitute tan i dil sak ang u an kohhran theuhah tun aia missionary-te rawngbawlna leh evangelism lampangah hma an laka hmasawna a awmzel theih nan.
- Pathian hnenah hmeichhe la naupang zawkte an lo harthara Pathian hnathawh an mahni kaltlanga a lanzel theih nan i dil ang u.
- Hemi nia kan thawhlawm tlingkhawmten midangte tana malsawmna a thlen zel theih nan Pathian hnenah malsawmna i dil ang u.

4. Caribbean Sea, Caribbean thliarkar ram hrang hranga chengte tan:

- Grenada, Jamaica, Trinidad, Tobago leh thliarkar ram thenkhata hmeichhiat mipatna kawng hrang hranga tihduhdahna hmeichhe naupangte chung a lo thleng thin hi tihtawp a lo nih theih nan.
- Barbados leh Guyana hmuna Baptist kohhranten inlungrua taka hna an thawh ho zel theih nan Pathian awmpuina i dilsak ang u.
- San Andres, Jamaica leh thliarkar ram thenkhatte a inngelhlohna leh intualvuakna lo awm thin hi a lo reh theih nan Pathian tanpuina i dilpui ang u.
- Tuipukam ram thenkhat Bahamas, Turks, caicos, Barbuda, Dominica, Montego Bay, Jamaica chhiatna hrang hrang heng thli natakte leh thildang vanga tuartute tan i tawngtai ang u. Khang chhiatna hrang hrangina a tihchhiat in leh ramte khan ngaih a lo awh leh theih nan te Pathian tanpuina i dilpui ang u.
- Kohhrante kawng hrang hrang avanga thalai tluchhe mekte chhawmdawlna kawngah hma an lak zel theih nan i tawngtaipui ang u.
- Puitling zawkten naupang lampangte kaihhruaina kawngah chakna leh finna an lo neih theih zel nan Pathian hnenah i dil ang u
- Kan ram hruaituten fina leh chakna an lo neih a, hemi ramah ei leh bar lamah hma kan lo sawn zel theih nan Pathian awmpuina leh tanpuina i dil sak ang u.
- Hna mumal thawh tur awm loh avang he rama harsatna lo thleng thin hi a lo kian theih nan Pathian tanpuina i dil ang u
- Natna hrang hrang lo thleng thin hi a lo kian theih nan Pathian hnenah i dil ang u.

5. Africa khawmualpui ram hrang hrang a chengte tan:

- Africa rama Baptist kohhran hmeichhe hruaitute avangin Pathian hnenah lawmthu i sawi ang u, Pathian hruaitutha tak tak te minpek avang tein
- Hmeichhiaten Pathian zahngaihna leh hmangaihna kan chan zel theih nan leh midangte kan hmangaih ve theih zel nan Pathian hnenah i dil ang u
- Africa rama muanna leh zalena a lo awm zel theih nan leh heng indonna leh tawrhna lo awm thin hrang hrang laka kan fihlim theih nan.
- Africa ramah ei leh barah tun aia hma kan sawm zel theih nan leh ram hruaituten finna an lo neih a tun aia hnathawh tur kan fate tan pawh a lo pun zel theih nan.
- Kan ramah hmeichhiaten tun aia nasa zawk a Lal Isua tana an thawha midangte tana leh hmeichhia la naupang zawkte tana malsawmna an lo nih zel theih nan
- Africa rama Baptist kohhran hmeichhe hruaitu zawng zawngte tan finna leh chaktharna Lal Isuah an lo neih theih zel nan.

6. Asia khawmualpui ram hrang hranga chengte tan:

- Asia rama Baptist inzawmkhawm pawla kan hruaituten inlungruak tak leh Pathian duhdana rawng an bawlo zel theih nan
- He ni kan hmanah hian hmeichhe tam zawkte hmang ve tura Pathianin a lo hruaikhawma he ni pawimawh zia mitam zawk hnenah puanchhuah leh hriatir anih theih nan.
- Tun aia chakzawh leh inunauna nghet zawk nena rawng kan bawl ho zel theih nan.
- Vietnam, Cambodia leh Bhutan ramah hmeichhiate rawngbawlna chak zawka a lo awm zel theih nan
- Tun aia nasa lehzual a kan rawngbawlna min tui puitu leh hlawkpuitu an lo pun zel theih nan

7. Europe khawmualpui ram hrang hranga chengte tan:

- 1) Tunhnai lawkah khan Europe khawmualpui Baptist hmeichhiate inhmukhawmna, khawmpuillian (conference) kan neia '*In hmangaih tawn theuh rawh u'* (Johana 15) tih thupui hmangin. He khawmpuiah hian hmun hrang hrang atangin kan kal khawm a. He kan thupui kristiante inngahna inhmangaih tawn a tulzia tih hian thil tam tak min zirtir a ni. Tin, Europe ramah harhna a lo thlena midangte hmangaih tur kan niziah kan inhriatnawn leh theuh theih nan Pathian hnenah i dil ang u.
- 2) September 2018 a Europe khawmualpui hmeichhe hruaitute inhmukhawmna tur hlawhtling taka a awm theih nan Pathian hnenah i dil ang u.
- 3) Europe ramah naupang lakah hleihlenna a awm loh nan leh nundanphung pangngaia kan nun theuh theih nan leh nu leh paten an fate tha taka an enkawl theih nante, nupa karah inhmangaihna leh inrintawka a lo punzual zel theih nan Pathian tanpuina i dil ang u.
- 4) Harsatna leh suauna hrang hrangina a phuarbehte tan i tawngtai ang u, Pathianin an saltana lak atanga a hruai chhuah theih nan. Tin, nu leh paten an mawhphurhna hria a rilru leh tihtak zet leh hmangaihna nena an fate an enkawl theih nan.
- 5) Europe ramah harsatna hrang hrang avanga tuartute leh hna mumal thawh tur neih loh avanga harsatna tuartute tan Pathian awmpuina leh tanpuina i dilpui ang u.
- 6) Kan thalaite nitina heng an thilmuh leh hriat chanchintha lo tak tak inthahna te leh film tha lo tak tak tenawm tak tak hmeichhiat mipatna lampang hawiten a tihbuai theihna lak atanga an lo him theih nan leh Pathian venna leh awmpuina i dilpui ang u.

8. Khawvel pumpui Baptist Hmeichhe inzawmkhawm pawla kan hruaitute leh khawvel pumpui Baptist inzawmkhawm pawl a kan hruaitute tan (Baptist World Alliance Women's Department and the BWA)

- Heng mite tan hian i tawngtai sak ang u – Khawvel pumpui Baptist Kohhran hmeichhe inzawmkhawm pawla kan President Ksenija magdate, Kathy James Secretary leh treasurer nibawk te tan leh Moreen Sharp Executive Director tante finna leh chakna thar an lo neih theih zel nan. A bik takin full time a thawk kan secretary treasurer Kathy James leh Executive Director Moreen Sharp ten chakna thar an neih theih zel nan i dilpui ang u.
- Kan President Ksenija Magda leh Moreen Sharp, Executive Directorte tan i tawngtai bawk ang u, an ni pahnih hi an hah em em a hriselna tha leh chakna thar an neih theih zel nan te.
- Hruaitu tha tak tak kan neih zel theih nan Pathian hnenah i dil ang u
- Kum 2020 a hruaitute inhmuikhawmna Rio de Janeiro, Brazil a lo awm tur tan leh a hlawhtlin theih nan Pathian hnenah i dil ang u, a bik takin kum 2000 a kan hmachhawpte tih hlawhtlin anih theih nan
- Khawvel pumpuia Baptist kohhran inzawmkhawm pawl (Baptist World Alliance) a kan President Paul Msiza leh General Secretary Elijah Brown-te i tawngtaipui ang u chakna leh finna an lo neih theih zel nan.

He ni khawvel puimpuia Baptist Hmeichhiate tawngtai hona hi enge anih chiah a, a pawimawhna chhan? (Why Day of Prayer):

He ni hi khawvel pumpuia Baptist hmeichhiate lungrual tak leh hmunkhata Pathian hnena kan kunzaho theihna ni a ni a. Thil pawimawh tak mai awm chu, kan tawngtaiho mai bakah hian kan tilpek thlingkhawm hemi nia mi hian midangte tan malsawmna a thlen thei a ni. He mi ni hi lungrual tak leh inunauna ti zual tura kan kunza ho theihna ni niin kan intawngtaipui tawn bawk a ni. Unaute kan nihna angin lungrual taka kan dilho theihna chu hemi ni hi a ni bawk a ni.

Hemi ni a kan thawhlawm thlingkhawm hian Baptist hmeichhiate rawngbawlna kawng hrang hrangin a tanpui a ni. Kan thilpek hmang leh kan tawngtaihona hian Pathian ram a ti zau leh zual thei a ni. Khawvel pumpuia Baptist hmeichhiate rawngbawlna hriat chian leh zual kan duh chuan hemi-ah pawh hian a hmuh theih a ni www.facebook.com/BWAWomensDepartment.

He ni kan hman tum dan chu a inang lo maithei a, darkar reilote leh nikhat chauh emaw chu aia rei deuh pawh chu a ni thei, hengah te hian chu ni a tana kan lo inbuatsaih lawk theih nan chuan thil hrang hrang a thlir theih bawk e www.bwawd.org/extra-resources.

Hemi ni a kan thawhlawm tlingkhawmte kan thawna tur hrang hrangte kan awmna a zirin:

1. Asia khawmualpui ram hrang hranga chengte tan (Asian Baptist Women's Union):

Name of the Bank :BDO (Banco de Oro)

Bank Address: Buendia-Taft Branch

Pasay City,Metro manil

1306 Philippines

Account Name: PRECIOSA T.CARONONGAN

Account Number: 1003701941956

Swift Code: BNORPHMM

2. Africa Khawmuampui ram hrang hranga chengte tan (Baptist Women's Union of Africa):

Name of the Bank: UBA

Account Name: Baptist Women's Union of Africa

Swift Code:UNAFCMCX

Country Code:CM21

Bank Code: 10033

Account Number: 07031000281-31

IBAN: CM21 10033 05207 07031000281 31

3. South America rama chengte tan (Baptist Women's Union of Latin America)

BANK OF AMERICA

Account Number: 8980 9072 6467

ACH Routing Number: 063100277

Title on Account: UNION FEMENIL

BAUTISTA DE AMERICA LATINA INC

Address: 7760 West Flagler Street

Miami FL 33144

USA

4. North America rama chengte tan (Baptist Women of North America)

BWNA(new name for NABWA)

Attention: Corinne Skerritt

22351 LeRhone,#712

Southfield, MI 48075-4060

The checks need to be made out to BWNA or NABWU

Note: Canada rama mite chuan Women's Department atangin a pek theih ang.

Hetah hian a en theih bawk ang www.nabwu.org

5. **Khawthlang chhimlam tuipei kam ram hrang hranga chengte tan (Baptist Women's Union of the South West Pacific):**

A pekna tur chu Baptist Women's Union of the South West Pacific a kan treasurer Fran Benfell hnenah zawhfiah theih a ni heta tang hian benfell@extra.co.nz or admin@bwuswp.com

6. **Caribbean tuipei kam ram hrang hrang a cheng te tan (Caribbean Baptist Women's Union):**

Mrs Marijorie Fletcher
Treasurer, CBWU
Duncans P.O
Trelawny, Jamaica

7. **European khawmuapui a ram hrang hrangte tan (European Baptist Women's Union)**

Account Number: 272728
Bank Name: Spar-und Kreditbank
Evangelisch-Freikirchlicher
Gemeinden eG
BIC: GENODE51BH2
Postgach 1262
61282 Bad Homburg
Tel: 06172/9806-0

Correspondent Bank:

Operations en Dollars:
Citibank, N.A, New York
CSIFT CODE: CITIUS 33
Account No: 36327646

Operations en GBP:

Citibank, N.A, London
SWIFT CODE: CITIGB21L
Account No: 13695654

Operations en Euro:

Citibank, N.A, London
SWIFT CODE: CITIGB21
Account No: 13695646

Hemi ni a kan thawhlawm thlingkhawm hrang hrang te hman dan (Distribution of the Day of Prayer Offerings)


50% hi khawvel pumpui Baptist hmeichhia inzawmkhawm pawl ah a luanglut thin a (50% to Baptist World Alliance Women's Department). Chung kan hmanna hrang hrangte chu lo en ta i la.

- He mi kan tawngtai hona ni tura lo inbuatsaihna tur thiltul hrang hrang atan te leh heng chanching kan inthawn darhna atan te, heng ni a hman atana thil lemziah mawi tak tak entirna kan han siam hrang hrang atan te hian (heng hi webside ah te pawh a hmuh theih a)
- Khawvel hmung hrang hranga hmeichhe tanpuingaizual bikte tan
- Hruaitute inhmuhkhawmna senso atan
- Kan Website leh chanchin kan inhriattirna hrang hrang senso atan
- Kan hruaitute zin veivahna senso atan
- Baptist world Alliance Women's Department a thawktute tan

50% he mi hi chu kan awmna pawl bik ram hrang hranga mite tan (50% to each Continental Union)

- Kan ram theuh a kan hruaitute mamawhna hrang hranga hman atan
- Tin, kan awmna ram (Pawl) theuh bik a Trainingte leh khawmpui lian inbuatsaih nan
- Kan awmna ram (Pawl) theuh bik a kan hruaitute zin veivah nan
- Kan awmna ram (Pawl) theuh bik a mamawh zual bikte tanpuina a an hman a tan.
- Kan awmna ram (Pawl) theuh bik a kan inrelbawlna hrang hrang mamawh a hman atan.

Hmanraw hrang hrang late, hnimhnahte, mau leh thil dang hrang hrang atanga thil siamchhuahin a min phuarkhawm theih dan (Weave the people together)



Tuifinriat kam ram hrang hranga cheng hmeichhiate hian hmanraw hrang hrang heng late, hnimhnahte, maute leh thil dangte la khawmin heng thil hrang hrang basket leh ipte mawi tak tak te an siam chhuak thin a.

Australia rama lo cheng hmasate chuan heng hnimhnahte hrang hrangte hian ipte nalh tak tak te an siam chhuak thin a ni. Tin, heng tuifinriat kama ram thenkhat a chengte chuan coconut kung leh a kawr atangten thil tangkai tak tak an siam thei bawk a.

Papua New Guinea tuifinriat kam ram pakhat a chengte pawhin heng hmanraw hrang hrang hmangte pawh hian naupuakpuante leh ipte, thil dahthatna te an siam thin bawk a ni, chu chu billums an ti mai a .

Paula chuan tihian a sawi a *“Nimahsela, thiltihtheihna nasatzia chu keimahni hnena mi ni lovin, Pathian ta a nih theih zawkna turin chu ro chu hlum belahte kan vawng a ni”* (2 Korinth 4:7). Amaherawhchu, heng thuipekam thliarkar thenkhata chengte chuan ti hian an sawi mai thei ipte a kan rote kan dahkawm ang mai hian heng kan thil siamchhuah hrang hrangte hmang hian Pathian ropuina kan puangchhuakin, Pathian ropuina a inpuangchhuak thei a ni tiin.

Heng thil hrang hrang siamchhuah ang mai hian Hmeichhe pawl inzawmkhawm hian pawl hrang hrangte inunauna tinghet turin min phuarkhawmin mawi taka nung theuh turin min duh a ni bible a kan hmuh angin *“Thuhnairawlhte hnenah chanchin tha hril tura Lalpan hriak mi thih avangin, Lalpa Pathian thlarau chu ka chungah a awm. Ani chuan , thinlung lungchhiate tuam tur te, salte hnena tan in hawnna thu sawi tur te”* (Isaia 61:1)

Heng thil siamchhuahte hi kan awmna theuhah lo ching ve ta i la kan inunauna tinghet leh zual turin . Chung kan thawh hona hrang hrangte chuan malsawmna a thlen thei a ni keimahniah kawng hrang hrangin.

Heng hnah leh thil dang hrang hrang hmangte leh rawng hrang hranga chei teiin bookmark te siamin, chu chu kan bible leh hlabu atan te pawh kan hmangtangkai thei dawn a ni. Chung rawng hrang hrang kan siamte pawh chu a rawng hrang hrangte angin ram hrang hrang angte pawhin a hming han phuah ta baw k i la. Heng hi website under Day of Prayer 2018 DOP Extra-ah entirna a hmuh theih a ni.